

焦氏易林

蘇子知
知學

PDG

易林卷第二

䷄

乾下
坎上
需

久旱三年草木不生
粢盛空乏無以
供靈

說文粢盛黍稷在器中以祀者也
之乾

火滅復息君明其德
仁人可遇身受

利福

無註

坤

溫山松栢常茂不落鸞鳳以庇得其

歡樂

無註

屯

西誅不復恃強負力倍道趨敵師徒
敗覆

按史記楚項梁西擊秦破章邯引
兵至定陶再破秦軍項羽沛公大
破秦兵於雍斬李由梁益輕秦有
驕色宋義諫弗聽秦悉起兵益章
邯擊楚軍大破之定陶項梁死焉

蒙

三塗五嶽陽城太室神明所伏獨無

兵革

三塗山名在河南伊闕縣陽城山
谷名在嵩山下太室山名

訟

二牛生狗以成爲母荆夷上侵姬伯
出走

二牛一作三年一作三馬生駒見
否之姤

師

鳬遊江海役行千里以爲死亡復見
空素長主凶憂

無註

比

太一駕騶從天上求徵召叔季封爲
魯侯無有凶憂

太乙星名成王封周公之子伯禽

於魯

小畜

絳績獨居寡處無夫陰陽失志爲人
僕使

無註

履

兵征大宛北出玉門與胡寇戰平城
道西七日絕糧身幾不全

大宛國名玉門關名 冒頓單于

圍漢高祖於白登七日用陳平秘
計厚遺閼氏說冒頓解圍

秦

楚靈暴虐罷極民力禍起軋谿弃疾
作毒扶伏奔逃死申亥室

楚靈王汰侈已甚成章華之臺至
狩于州來次于軋谿公子比作亂
遂縊于芋尹申亥氏

否

雌單獨居歸其本巢毛羽憔悴志如死灰

無註

同人

兩矛相刺勇力鈞敵交綏結和不破不缺

無註

大有

乘船渡濟載水逢火賴幸免患蒙我
生全

無註

謙

喪寵溢尤政傾家覆我宗失國秦滅

周室

無註

豫

冬無藏冰春陽不通陰流爲賊國被
其殃

無註

隨

田鼠野雞意常欲逃拘制籠檻不得
動搖

無註

鹽

佩玉藥兮無所繫之旨酒一盛莫與
笑語孤寡獨特常愁憂苦

無註

臨

沒遊原口求鮫爲寶家危自懼復出

生道

無註

觀

河水孔穴壞敗我室水深無岸魚鰲
傾側

無註

噬嗑

教羊牧兔使魚相捕任非其人費日

無功

無註

賁

升户入室就溫燠食水凍北陸不能
相賊

無註

剝

孤竹之墟老婦無夫傷於蒺藜不見
少妻東郭棠姜武氏破亡

孤竹國名易繇曰困于石據于蒺

蔡入于其宮不見其妻凶棠姜齊
棠公之妻東郭偃之姊也武氏崔
武子杼見左傳

復

凶憂災殃日益明章福不可整釐三郤
瘕傷

按春秋三郤晉大夫郤錡郤犇郤
至成公十七年晉厲公侈多外嬖

欲盡去群大夫而立其左右遂殺

三卻

無妄

戴璧秉珪請命于河周公作誓冲人
瘳愈

初成王少時病周公乃自揃其蚤
沈之河以祝於神曰王少未有識
奸神命者乃旦也王病有瘳

見史記

大畜

鳥升鵲舉照臨東海
龍降庭堅爲陶
叔後封圻英六履祿綏厚

龍降庭堅皆顓頊之後即舜舉八
愷之列

顓

危坐至暮請求不得膏澤不降政戾
民忒